

ԿԱՐԻՆԵ ՍԱՄՎԵԼՅԱՆ

ՄԱԿ-Ի ԳՈՐԾՈՒՆԵՈՒԹՅՈՒՆԸ ԻՐԱԶՈՒՄ
(2003թ. ՄԱՐՏ – 2004թ. ՀՈՒՆԻՍ) ԵՎ ՀԱՍԱՐԱԿԱԿԱՆ
ԿԱՐԾԻՔԻ ՁԵՎԱՎՈՐՈՒՄԸ

Սույն հոդվածը նպատակամղված է շարունակելու «Մերձավոր և Միջին Արևելքի երկրներ և ժողովուրդներ» մատենաշարում տպագրված նախորդ երկու հոդվածներում¹ արտահայտված թեզերն ու զարգացումները:

Ուսումնասիրվող թեման ունի իր գիտական հետաքրքրությունը և միաժամանակ բարդությունները: Թեմայի կատարման ժամանակահատվածում Իրաքում տեղի ունեցան քաղաքական բուռն զարգացումներ՝ 2003թ. մարտին ԱՄՆ-ի կողմից Իրաքի նախագահ Սադդամ Հուսեյնին ներկայացվեց վերջնագիր, ապա հաշվված օրերի ընթացքում տապալվեց Իրաքի բաասական վարչակարգը, և երկրում ստեղծվեց բոլորովին նոր իրադրություն իր բոլոր հետևանքներով:

Վերադառնալով Իրաքում ՄԱԿ-ի գործունեությանը կարևոր է նշել, որ չնայած քաղաքական ավերախումբերին, արդի, զարգացումները գալիս են հաստատելու միջազգային այդ կարևոր կազմակերպության անհրաժեշտությունը²:

ՄԱԿ-ի Անվտանգության խորհրդի հրապարակած փաստաթղթերի ուսումնասիրությունը, Իրաքում ներքին իրավիճակը և ամենագլխավորը՝ ԱՄՆ-Իրաք հարաճուն լարված զարգացումները թելադրում էին առանց այն էլ ժամանակավոր սանկցիաների գնահատականը:

Սադդամ Հուսեյնի վարչակարգի տապալումը և ԱՄՆ-ի գերակայությունը Իրաքում փաստորեն ի գործու չեղավ երկրում դեմոկրատիայի ջախեր վառել: Նշենք, որ Իրաքը այն յուրահատուկ երկրներից է, ուր ի սկզբանե բացակայել են դեմոկրատիայի իմստիտուտները: Այդպիսի ավսնդույթներ անգամ Իրաքը չի ունեցել: Ուրեմն՝ միջազգային կազմակերպությունները, ներկա դեպքում ՄԱԿ-ը, կանգնած է լուրջ դժվարությունների առջև և միաժամանակ, իրոք, Իրաքն ունի նրա գործունեության լայն և հիմնավոր անհրաժեշտություն: Սրանով է պայմանավորված մեր այն տեսակետը, որ «Իրաքում մարդու իրավունքների, երկրի կյանքում

կանանց մասնակցության, երեխաների իրավունքների պաշտպանության, մերձակա շրջապատի բնապահպանության և այլ խնդիրների հետ մեկտեղ, ՄԱԿ-ը ստիպված է լինելու նաև որոշակի վերափոխումներ կատարել իր կազմակերպության ներսում, իրաքյան վերջին իրադարձություններից հետո: Իրաքյան ճգնաժամը իրոք որ, թեկադրում է, որոշակի բարեփոխություն ՄԱԿ-ի շրջանակում: Հատկանշական է նաև, որ ՄԱԿ-ի դերի կայունացումը անհրաժեշտ է անդամ պետություններից յուրաքանչյուրին, այդ թվում նաև ԱՄՆ-ին»³:

ՄԱԿ-ի գործունեությունը Իրսքում սերտորեն փոխկապակցված է Իրսքի և միջազգային հանրության վերաբերմունքի հետ, ու նաև այդ կազմակերպության անդամ պետությունների վարած քաղաքականության հետ⁴:

Իրսքում ՄԱԿ-ի գործունեության խնդրում մույնպես ոչ պակաս կարևոր նշանակություն ունի հասարակական կարծիքի ձևավորումը, մյուս ուշադրությունը, որից անմասն չէ նաև գիտական աղբյուր:

Իսրայելի և Մերձավոր Արևելքի ինստիտուտի դեկավար, Ռուսաստանյան հրեական կոնգրեսի նախագահ Եվգենի Սատանովսկին համոզված է, որ «Մերձավոր Արևելքի դեմոկրատացումը՝ հյուժախտ է»:

Նրա կանխատեսումը այն հարցի կապակցությամբ, թե այդպիսի ամերիկացիները Իրսքից ժամանակից շուտ կհեռանան, հետևյալն է՝ «Եթե անգամ ամերիկացիները ետ նահանջեն, ապա՝ նախապես կազմակերպված կանոնակարգով: (Ընդգծումը՝ Կ.Ս.) Ամերիկացիները, ինչպես ինձ է թվում, մոտակա ստազայում Իրսքից չպետք է դուրս գան: Առաջինը՝ որովհետև դա կնշանակեր արաբական աշխարհի համար ռազմական գործողությունների անհսպաղ փոխադրում ամերիկյան տարածքի վրա»⁵:

Որոշ պատմական զուգահեռներ անցկացնելով ԽՍՀՄ-ի Աֆղանստան մտնելու հետ, նա շարունակում է՝ «Ամերիկացիները մտան Իրսք այնպես, ինչպես որ մտան, և դա սխալ է: Նրանք այնպեղ բազմաթիվ սխալներ գործեցին: Բայց եթե նրանք այնտեղից գնան, իրավիճակը չհասցնելով կայունության որոշակի մակարդակի, դա կլինի խոշորագույն սխալ Ամերիկայի համար»:

Անդրադառնալով ԱՄՆ-ի նախագահ Ջորջ Բուշի հետագա ռեյտինգին, նա նշում է՝ «Բանակի հեռացումը Իրսքից ընդունակ է զրոյի հավասարեցնել Բուշի ռեյտինգը ավելի հավանական կերպով, քան մնացած ամեն ինչ»⁶:

Այսպիսով քաղաքական տեսաբանը գտնում է, որ Վաշինգտոնի քաղաքականությունը այս հարցում տակտիկական քայլերի շարան է, որը տանում է ռազմավարական ծախսողման⁷:

Եվգենի Սատանովսկու կարծիքով՝ «Պատերազմը կշարունակվի: Իրսքի կայունացումը կծգծգվի տասնամյակներով»⁸:

Ուշադրությունից չի վրիպում՝ «նախապես կազմակերպված կանոնակարգ» արտահայտությունը, որը հաստատում է նախապես ծրագրավորված գործողությունների առկայությունը և փաստը:

2004թ. հունվարի 13-ից լրստվական տեղեկատվության ծառայության շրջանակում է ՄԱԿ-ի Անվտանգության խորհրդի պրես-ոբիեկտը, որ ամփափված են 2003 թվականին գործունեության առանցքում ընդունված կարևոր որոշումներն ու դիմում հայտարարությունները:

Հատկապես ուշագրավ է 2003թ. մարտի 28-ին միաձայն անցած Իրաքի «նավթ» սլարենի դիմաց» ծրագրի կարգավորումներին վերաբերվալ որոշումը⁹: Հարցը նրանում է, որ շտապ կերպով լսարված իրավիճակում ընդունվել են կարևոր համապատասխանեցումներ նախկինում եղած ծրագրային կետերին, քանի որ ինքնին ժամանակահատվածը արդեն խոսում է իրադրության մասին:

Անվտանգության խորհուրդը գտնում է, որ ԺՆԼԻ IV կոմպենցիայի «55-ի որոշման համաձայն, որը վերաբերվում է քաղաքացիական անձանց պաշտպանության խնդրին պատերազմի ընթացքում և ընդունված է 1949թ. օգոստոսի 12-ին, ամբողջապես մնում է ուժի մեջ և օկուպացիոն իշխանությունը պարտավորություն ունի ազգաբնակչությանը պարենամթերքով և բժշկական օգնությամբ ապահովելու հարցում: Իշխանությունը պետք է ներկայացնի ընդարձակ հաշվետվություն, նշելով անհրաժեշտ սննդամթերքների անվանումների ցանկը, մայրկանց հիվանդության մանրամասն պատմությունը՝ բժշկական ձևով և այլ հոդվածներ, եթե գրավված տարածքի ռեսուրսները բավարար չեն:

Համոզված լինելով, որ ազգաբնակչության հրամայական կարիքները շարունակվում են ապահովվել, և Իրաքի ժողովրդին տրվող հումանիտար նպաստը երկրի ներսում ամենուրեք գտնվում է համապատասխան հիմքի վրա, այնուամենայնիվ մարդկանց կարիքների սճը, որպես հումանիտար նպաստի ձևով բավարար օգնություն, չավիում է բուն Իրաքի ժողովրդի կողմից, ով լքում է երկիրը ռազմական գործողությունների պատճառով¹⁰:

Կարևորը այն է, որ տվյալ նիստի ժամանակ ուշադրության առնվեցին բազմաթիվ սանկցիաներ, որոնք ընդունվել էին մինչ այդ ՄԱԿ-ի կողմից Իրաքի դեմ: Հիմնական շեշտը դրվեց իրաքյան ժողովրդի հումանիտար օգնության ապահովման վրա, այնքան ժամանակ, քանի դեռ երկրում դրա կարիքն ունի ազգաբնակչությունը¹¹: Այդ փոփոխությունները վերաբերվում էին 661 (1990) 6 օգոստոս 1990, 986 (1995) 14 ապրիլ 1995, 1409 (2002) 14 մայիս 2002 և 1454 (2002) 30 դեկտեմբեր 2002 որոշումներին:

Ի գլխուրթյուն ընդունվեց նաև գլխավոր քարտուղարի 2003թ. մարտի 17-ին ընդունած որոշումը, ետ վերցնելով Միոցյալ ազգերի և միջազգային նշանակության աշխատակիցների այն պարտավորությունները, ո-

յունք պետք է ի կատարի ածելն «նավթ» պարենի դիմաց» ծրագիրը իր նախկին տեսքով և բովանդակությամբ (սյուտիետն «Շրագիր»), սահմանված՝ 986 (1996) ոլորշման համաձայն:

Ընդգծված է սողափողայն դեմ պայքարի նպատակով բոլոր ջււնքերի գործադրման անհրաժեշտությունը, աջակցությունը տվյալ ժամանակում ազգային պարենամթերքի սպառման գամբյուղի բաշխման ցանցի աշխատանքին:

Անվտանգության խորհուրդը կարևորում է Իրաքի ժողովրդի իրավունքների նկատմամբ հարգանքը՝ տնօրինելու սեփական քաղաքական սպագան և վերահսկելու երկրի սեփական բնական ռեսուրսները:

Իրաքի սովետներության և տարածքային անձեռնմխելիության նպատակով ՄԱԿ-ը իր աշխատանքներում ընդգծում է բոլոր անդամ պետությունների կոլեկիալության իրավունքի ապահովումը¹²:

Հասուկ կետերով թվարկվում են այն բոլոր պարտավորությունները, որոնք բխում են Սիացյո Ազգերի VII Խարտիայի բովանդակությունից և պահանջներից, միջազգային նորմերին համապատասխան, հստակապես ժնկի կոնվենցիայի և Հաագայի կանոնադրության շրջանակում:

1. Ապահովել իշխանությունների վերաբերմունքը Իրաքի ժողովրդի քաղաքացիական առաջնահերթ կարիքներին, հավասարապես՝ Իրաքում և նրա սահմաններից դուրս: Ընդ որում ուղերձը հասցեագրված է բոլոր կուսակցություններին՝ հանդես բերելու խիստ հետևողականությամբ:

2. Կոչ է արվում միջազգային հանրությանը նաև ապահովելու հումանսիտար սջակցություն Իրաքի ժողովրդին Իրաքում և նրա սահմաններից դուրս, խորհրդակցելու խնդրին առնչվող պետությունների հետ և սպառնիչ ու շարունակաբար արձագանքելու սուսսվող հումանիտար օգնությանը, այդ նպատակով պիմելով Սիացյո Ազգերին, ինչպես նաև աջակցելու Կարմիր խաչի միջազգային կոմիտեի և հումանիտար միջազգային այլ կազմակերպությունների գործունեությանը:

3. Պաշտոնապես ընդունել, որ Իրաքին լրացուցիչ միջոցներ են անհրաժեշտ դիմակայելու բացառիկ, ոչ սովորական իրավիճակում, հետևաբար տեխնիկական բնույթի և ժամանակավոր միջոցները պետք է լինեն ծրագրված, որոնք կիրադործվեն ֆոնդային և ոչ ֆոնդային համաձայնագրերով՝ կնքված Իրաքի կուսակալության կողմից, Իրաքի ժողովրդին հումանիտար օգնություն ցուցաբերելու նպատակով: Համաձայն այս բանաձևի՝ ներառել նաև բոլոր տեսակի նպաստների վճարումը, այդ թվում նաև փախստականներին և ժամանակավոր տեղահանվածներին նպաստներով ապահովումը:

4. Գլխավոր քարտուղարին և նրա գլխավորությամբ գործող ներկայացուցչական կազմին լիազորել վերցնել պարտավորություն որպես

առաջին քայլ, և անհրաժեշտություն համակարգելու հետևյալ միջոցառումները.

Համապատասխանաբար՝ 12 կետերով նշված են բոլոր հնարավոր տարբերակները և անհրաժեշտ քայլերը:

Հատկապես հետաքրքիր է 7-րդ կետը, որտեղ նշված է, որ ներկա որոշմամբ ամբողջապես բոլոր դիմումները պետք է ներկայացվեն «նավթ» պարենի դիմաց» ծրագրից դուրս, պետք է դիտարկվեն և քննարկվեն Միացյալ ազգերի գործակալության ծրագրերի և ֆունդերի, ինչպես նաև այլ միջազգային կազմակերպությունների և ոչ կառավարական կազմակերպությունների (NGOs) կողմից, որոնք կտեսակավորեն, կամ կօգտագործեն, կիրականացնեն Իրաքում արտակարգ իրավիճակում օգնության տրամադրումը, ինչպես նաև կհոգան բժշկական սարքավորումների, առողջապահական ծառայությունների, պարենամթերքի բաշխման և ապահովման հարցերը: Վերջիններս պետք է քննվեն պիտուսնելության առումով, Կոմիտեի կողմից, որը կգործի շուրջօրյա, առանց պրոցեդուրային առարկությունների¹³:

Կոմիտեի գործողությունները հաստատված են 661 (1990) որոշման համաձայն՝ հսկելու և մանրագնին իրականացնելու « 4-ի համապատասխան բոլոր կետերը:

Ինչ վերաբերվում է Գլխավոր քարտուղարի հարցումներին, կոմիտեն համապատասխանեցնելու Իրաքի ներկա վիճակին, կապված ժամանակակից պահանջների հետ, առաջարկում է ձեռնարկել այնպիսի միջոցներ, որոնք կպահանջվեն և խորհրդակցել Կոմիտեի հետ, կարգ ու կանոն հաստատելու կնքվող համաձայնագրերի հարցում, բեռների պիտուսնելության, ինչպես նաև սննդամթերքի, դեղորայքի բաշխարկությունը, ջրի սանիտարական վիճակը, մատակարարման հարցերը հոգալու համար¹⁴:

Որոշվեց նաև, որ « 4-ում ներկայացված պայմանները ժամանակավոր են և կսբող են ուժի մեջ լինել 45 օրվա ընթացքում, հաշված ընդունման օրից և կարող են ապագայում երկարացվել, վերանայվելով Խորհրդի կողմից¹⁵:

Ընդհանրապես իր ողջ բովանդակությամբ ՄԱԿ-ի ընդունած այս փաստաթուղթը հիմնարար է Իրաքի ժողովրդի համար, ծանրագույն հանգամանքներում դիմակայելու պատերազմական աղետի արհավիրքներին:

Նույն 2003 թվականի ընթացքում այս ծրագիրը ենթարկվեց որոշ փոփոխությունների՝ կապված ներքին իրավիճակի զարգացումների հետ, սակայն գլխավոր նպատակը՝ օգնության, աջակցության առանցքը մնաց նույնը: Փաստորեն ՄԱԿ-ի ընդունած երբեմնի պատժամիջոցները Իրաքի հանդեպ մնացին երկրի պատմության մախտոդ անցած էջերում:

2003թ. ապրիլի 24-ին նույնպես 4743 նիստում միաձայն ընդունվեց ՍԱԿ-ի Անվտանգության խորհրդի որոշումը, համաձայն որի 1472 (2003) որոշման « 4-ում պետք է հիշատակվի, որ այն ուժի մեջ է մինչև 2003թ. հունիսի 3-ը և կսլույլ է լուտ հետագա հանգամանքների, վերանայվել խորհրդի կողմից¹⁶։ Այս որոշումը լրացում էր 2003թ. մարտի 28-ի որոշման ժամկետը երկայնագծերու մասին:

Եթե ՍԱԿ-ի Անվտանգության խորհրդի 2003թ. ապրիլի 24-ի ընդունած որոշումը հիմնականում սոցիալ-տնտեսական բնույթ էր կրում, ապա հետագա փոստաթղթերի ուսումնասիրությունը հաստատում է Իրաքի շուրջ քաղաքական խնդիրներում այս կազմակերպության դերի ակտիվացումը:

2003թ. մայիսի 22-ին ՍԱԿ-ի 4761 նիստին մասնակցեցին Անգոլան, Բուրիան, Կամերունը, Չիլին, Ֆրանսիան, Գերմանիան, Գվինեան, Մեքսիկան, Պակիստանը, Ռուսաստանի դաշնությունը, Իսպանիան, Միացյալ Թագավորությունը, Միացյալ ճահանգները: Չմասնակցեց Սի-րիան: Իսկ ընդունված որոշումը անցավ միաձայն: Այն ներառում էր 27 կետեր. որոնք վերաբերվում են Իրաքի հետագա զարգացումներին և մասնակից պետությունների պաշտպանություններին¹⁷:

Ընդգծվեց Իրաքի ժողովրդի իրավունքը ազատ կերպով որոշելու իր սեփական քաղաքական և քաղաքական և սահմանելու վերահսկողություն իր սեփական բնական ռեսուրսների նկատմամբ, ողջունելով բոլոր կուսակցությունների կողմնակալությունը համատեղելու իրենց աջակցությունը՝ ստեղծելու տվյալ իրավիճակին համապատասխան մարմին, ինչլու ամի-րաժեշտ է:

Հույս հայտնվեց, որ իրաքյան դեկավարությունը արագ կկայանա:

Որոշվեց ապահովել անհրաժեշտ հարգանք Իրաքի հնազիտական, պատմական, մշակութային և կրոնական ժառանգության հանդեպ և շա-րունակել պահպանության տակ վերցնել հնազիտական, պատմական, մշակութային և կրոնական վայրերը, թանգարանները, գրադարանները և հուշարձանները:

Նիստի մասնակիցները ուղղունեցին Միացյալ Ազգերի կազմակեր-պության մախազահի կողմից Իրաքում իր հատուկ ներկայացուցչի նշա-նակումը:

Նյումբ հավանություն տվեցին Իրաքի ժողովրդի առաջին քայլերին նոր իրավիճակում, նկատի ունենալով 2003թ. ապրիլի 15-ի Նասիրիայի և 2003թ. ապրիլի 28-ի Բաղդադի արած դիմում-հայտարարությունները:

Ուշադրության առնվեց Կենտրոնական բանկի յոթ ինդուստրիալ պե-տությունների խմբի դեկավարների և ֆինանսների մախարարների կող-մից 2003թ. ապրիլի 12-ի ընդունած դիմումը, որով անդամները ընդունե-ցին. որ կարիք կա բազմակողմանիորեն աջակցելու վերակառուցել և

գարգացնել Իրաքը, այդ նպատակով նշելով Միջսագային ֆինանսական ֆոնդի և Համաշխարհային բանկի օգնության կարիքը:

Ուշադրության առնվեց 2003թ. մայիսի 8-ի դիմումը ստացված Ամերիկայի Միացյալ Նահանգների ներկայացուցիչների պալատից, ինչպես նաև Մեծ Բրիտանիայի Միացյալ թագավորությունից և Հյուսիսային Իռլանդիայից, ուղղված ՄԱԿ-ի Անվտանգության խորհրդի նախագահին (S/2003/538) և ընդունվեցին հատուկ իրավասություններ, պատասխանատվություններ և պարտավորություններ միջազգային իրավունքի ներքո այդ պետությունների կողմից, որպես օկուպացիոն ուժեր և միացյալ իրամանատարություն (“Authority” – Իշխանություն)¹⁸:

Որոշվեց աջակցել, որ յուրաքանչյուր պետություն, որը օկուպացիոն ուժերից չէ, ներկայումս աշխատում է կամ ապագայում, կարող է աշխատել Իշխանության ներքո:

Մասնակիցները ուղջունեցին անդամ պետությունների լզատըաստակամությունը աջակցելու Իրաքում կայունություն և անվտանգություն հաստատելու գործին, ներդնելով անձնական, տեխնիկական և այլ միջոցներ իշխանության ներքո¹⁹:

Այս փաստաթղթում մանրամասն շարադրված է ՄԱԿ-ի խարտիայի VII գլխի դրույթներին համապատասխան այն որոշումների ցանկը, սրանք պետք է իրագործվեն Իրաքում²⁰:

Փաստորեն, ակնհայտ է օկուպացիոն ուժերի կողմից համագործակցության միտումը, քանի որ Իրաքում տիրող կացությունը թելադրում էր վերանայելու մինչ այդ նրանց կողմից վարվող քաղաքականությունը:

2003թ. օգոստոսի 14-ին ՄԱԿ-ի Անվտանգության խորհրդի 4808 նիստով եստատովեց ՄԱԿ-ի Իրաքի օգնության ներկայացուցչությունը:

Անդամ 14 պետությունների մասնակցությամբ, բացակա էր միայն Սիրիան, միաձայն որոշվեց հիմնել Միացյալ Ազգերի Իրաքին օգնող ներկայացուցչություն աջակցելու Գլխավոր քարտուղարին իրագործելու իր մանդատը 1483 որոշման համաձայն, համապատասխան 2003թ. հուլիսի 15-ի իր զեկույցի բովանդակության, պարտավորություն կրելով 12 ամիս ժամանակով, որպես սկզբնական ժամանակահատված²¹:

2003թ. օգոստոսի 20-ին ՄԱԿ-ի Անվտանգության խորհուրդը հանդես եկավ հայտարարությամբ՝ դատապարտելով նախորդ օրը Բաղդադում, Միացյալ Ազգերի շտաբ կայանի դեմ հարձակումը, որի արդյունքում եղան բազմաթիվ զոհեր և տուժածներ՝ միջազգային անձնակազմի և Իրաքի ժողովրդի շրջանում: Անվտանգության խորհուրդը ցավակցելով բոլոր տուժածներին, և նրանց ընտանիքներին, միաժամանակ հայտնում է իր վճռականությունը համապատասխան անվտանգության միջոցներ ձեռնարկելու և շարունակելու իր գործունեությունը «օգնելու Իրաքի ժողովրդին խաղաղություն և արդարություն հաստատելու իր երկրում, կերտելու իր սեփական քաղաքական ապագան»²²:

Այս պահանջով՝ ՄԱԿ-ի Անվտանգության խորհուրդը հանդես եկավ, դիմելով Իրաքի ժողովրդին, թվարկելով այն բոլոր տեղորոշողական հարձակումները, որոնք իրականացվել են Իրաքում 2003թ. ընդհանրապես, և ոչ միայն ՄԱԿ-ի աշխատակիցների դեմ, դրանք որակելով, որպես «հարձակում ուղղված Իրաքի ապագայի դեմ»²¹:

Պետք է մատուցել արժանին ՄԱԿ-ի Անվտանգության խորհրդին և նրա գլխավոր քարտուղար Քոֆի Անանին, որ չնայած դժվարագույն, բարդ իրավիճակին, ՄԱԿ-ը նրա գլխավորությամբ հետևողական և արդյունավետ աշխատանք է կատարում Իրաքում, հանդես բերելով հեռաւտեստությամբ և նոր պայմաններում գործելու վճռականություն:

ՄԱԿ-ի դեմ այս հարձակումից և այլ ոտնձգություններից հետո ՄԱԿ-ը իր աշխատանքային հունից դուրս չեկավ: Դուրսարվել են հետաքրքիր նիստեր, որոնց արձանագրությունները, ընդունված որոշումները վերաբերվում են Իրաքի քաղաքացիների իրավունքներին, տնտեսական ոլորտին, 2004թ. հունիսի 30-ի սպասվող՝ Իրաքի անցումային կառավարությանը իշխանության փոխանցմանը, ՄԱԿ-ի Իրաք-Զուվեյթ դիտորդական առաքելության մանդատի ավարտին, «նավթ» պարենի դիմաց» ծրագրի ավարտին, Միջին Արևելքում խաղաղության ապահովման խնդիրներին և այլն:

Շատ կարճ ժամանակահատվածում՝ 2003թ. մարտ – 2004թ. հունիս, ակնհայտ է հասարակական կարծիքի ձևավորումը հոգուտ Իրաքի, որից անմասն չէ ՄԱԿ-ը:

«Բաղդադում ՄԱԿ-ի շենքի մոտ օգոստոսյան տեղորոշողական գործողության վայրկյանից սկսած ինձ անհաղթահարելի կերպով ձգում էր Իրաքը: Ժամանակին ես հրատարակել եմ “Washington Post”-ում բաց նամակ նախագահին, որտեղ իմ անհամաձայնությունն եմ հայտնել նրա քաղաքականության հանդեպ: Մեր ներխուժումից հետ երկիր, ես իմ դիրքորոշումը հաստատեցի հայտարարությամբ, որի համար նույնպես վճարեցի իմ անձնական միջոցներից: Ես ցանկանում էի ծայրել ավելի համոզվիչ, ինչը հնարավոր է՝ միայն փաստերը ձեռքիդ:

Նս պետք է վերադառնայի Իրաք, ես զգում էի, որ դա իմ պարտքն է ամերիկյան զինծառայողների հանդեպ և Իրաքի քաղաքացիական բնակչության հանդեպ»:

Եվ այսպես «Օսկար» միջազգային կինոփառատոնի տղամարդու լավագույն դերի համար 2004թ. մրցանակակիր Շոն Պեննը, որը 2003թ. եղել էր Իրաքում. Սադդամ Հուսեյնի նախագահության օրոք, նորից է մեկնում այդ երկիրը՝ արդեն ՄԱԿ-ի դեմ տեղորոշողական գործողությունից հետո, հրատարակելով հետաքրքիր մանրամասներ պատերազմական վիճակում գտնվող Իրաքից²⁴:

Նա գրում է՝ «Երբ ես ժամանեցի ռազմական և խաղաղ լրագրության ինստիտուտ, այնտեղ դասախոսություն էր իրաքցի երիտասարդ լրագ-

րույնների համար: Ես լսում էի, ինչպես պիթաբուրգյան “Tribune”-ի թղթակցուհին խոսում էր մասսայական հուղարկավորությունների թեմայով, որպես մոդել, ռեպրոտաժի ստեղծման մասին:

Երբ միս այդ բառերը արտասանեց, իրաքցի ունկնդիրներից մեկը ուժեղ ծիծաղեց՝ «Ողջ այս երկիրը – մասսայական դամբարան է: Մենք ապրում ենք եղբայրական մեծ գերեզմանում»:

«Իմ նախկին ուղևորության ժամանակ ես եղա «ալ-Մանսուր» հիվանդանոցում և ինձ շատ հետաքրքրեց տեսնել, թե օկուպացիոն իշխանությունը ինչպես է բարելավել մանկական առողջապահությունը: Բոլորովին էլ ոչ: Հիվանդանոցը ամբողջապես կեղտի մեջ, դեղորայքը՝ քիչ, բժշկները և մնացած բժշկական անձնակազմը չեն բավարարում, փոխներառկման արդուն մույմպես չկա: Այստեղ մարդ չի ցանկանա բերել մինչև 16 տարեկան զինվոր, այնինչ հենց այստեղ են ապրում և բուժվում սպիտակաբյուրեղային հիվանդ երեխաները - այդ հիվանդությանը տառապող այդքան շատ երեխաների, նման թվաքանակ աշխարհում ոչ մի տեղ գոյություն չունի»²⁵:

«Մա օկուպացված երկիր է: Մաքառող երկիր է: Մեկ տարի 1968-ից ոչ մի իրաքցի ինձ հետ խոսելիս, դեկավար «Բասա» կուսակցության գծից տարբերվող կարծիքներ չէր հայտնում, իսկ այսօր շատերը ասում են, որ օկուպացիան չի կարող ազատություն բերել: Եվ որ նրանք չեն վստահում իրենց գործերին միակողմանի միջամտությանը: Բոլորը հավաստում են, որ դիմադրական շարժումը օրեցօր դառնում է ավելի ուժեղ և կազմակերպված»: Հետաքրքիր է, որ կլինոդերասանը մանրամասն քվարկում է բոլոր այն ուժերին, որոնք ներկայացնում են իրաքյան հասարակայնության տարբեր շերտերն ու հոսանքները:

Հեղինակը շեշտելով արաբական մենթալիտետի նշանակությունը, բերում է համոզիչ տվյալներ: Միաժամանակ նշում է, որ հենց Բաղդադում ամենից ցայտում է երևում, որ պատերազմը մույմպես բիզնես է:

Մի իրաքցի փողոցում նրան հարցրել է՝ Ձեր գործերը եկել են մեր ժողովրդին Սադդամից ազատելու, թե՞ նավթը ազատելու մեր ժողովրդից: Այնուհետև նկարագրում է բեմզինի մեծ հերթերը քաղաքում: Բեմզինի համար մարդիկ օրերով հերթ են կանգնում²⁶: «Բաղդադի կենտրոնական կոմունիկացիոն աշտարակի ծոռված երկաթյա և բետոնե ավերակները հիմա վկայում են միայն ամերիկյան բանակի հզորության մասին: Ես կանգ եմ առնում մեր ռազմական «Շոկ և թրթիռ» կամպանիայի այդ հուշարձանը լուսանկարելու համար»²⁷:

Իրաքում ԱՄՆ-ի, նշված ժամանակահատվածում, վարած քաղաքականության որոշ հարցերի մասին հետաքրքիր տեղեկություն է հաղորդում Ամերիկայի հայտնի հրապարակախոսներից Ֆարիկ Ջակարիան, որը մահ «News Week» թերթի գլխավոր խմբագիրն է: Նրա մեկնադրությունը՝ «Ազատության ապագան՝ ոչլիբերալ դեմոկրատիան մեզ մոտ՝ տա-

նր և արտասահմանում» 2003թ. գարնանը համարվեց բեքսեյլեր, ակն-թարթորեն սպառվելով:

2004թ. մայիսին «ԼԶՉպրՅՈ՛» թերթի հարցերին նա պատասխանեց Նյու-Յորքում իր կյուրի՝ ռոսս գիտնական Վլադիսլավ Ինոկենցևսկի հետ զրույցի ընթացքում:

Ինչպիսի՞ն է ձեր կանխագուշակումը Իրաքում իրավիճակի զարգաց-ման մասին հարցին, նա պատասխանել է՝ մինչ դեմոկրատիայի, ազա-տության և այլն ձեռք բերումը, դուք պետք է հասնեք հասարակական կարգուկանոնի: Իրաքում, դժբախտաբար դա ժամանակավոր կռալի-ցիոն ադմինիստրացիայի կողմից, իսկ ամենագլխավորը՝ Պենտագոնի և Բուշի ադմինիստրացիայի կողմից, անտեսված էր: Այժմ անհրաժեշտ է հասնել Իրաքի և արտաքին աշխարհի միջև խաղընկերության: Որպես-զի ոչ միայն ԱՄՆ-ը, այլև ուրիշ երկիրները կարողանան օգնել Իրաքին դեմոկրատիա կառուցել: Որպեսզի նրանք կռալիցիայի գործերին չհա-մարեն օկուպացիոն ուժ:

Սակայն այդ երկրի շանը իսկական դեմոկրատիայի անցնելու հա-մար շատ փոքր է, քանի որ մենք վերին աստիճանի շատ սխալներ ենք գործել, Իրաքում ստեղծել ենք հակաամերիկանիզմի մթնոլորտ:

... Ինձ ամենից առավել հուսահատեցնում է ԱՄՆ-ի վարած «ետպա-տերազմյան» քաղաքականությունը Իրաքում: Դա աղետաբեր է: Եվ միայն այժմ է սկսել խմբագրվել: Այնտեղ մենք քիչ գործ ունեցանք, մենք չգիտակցեցինք ՄԱԿ-ի ներգրավման անհրաժեշտությունը իրաքյան գործերում: Մենք հաշվի չառանք, որ ոչ միայն ԱՄՆ-ը, այլև ուրիշ երկր-ները կարող են իրենց հետաքրքրություններն ունենալ Իրաքում»²⁸:

Ինչպես ցույց են տալիս նշված ժամանակահատվածում ՄԱԿ-ի գոր-ծունեության արդյունքները և հասարակական կարծիքը, ապա կաբելի է անհրաժեշտ համարել այդ կազմակերպության դերի ընդլայնումը և հե-տագա ակտիվացումը:

2004թ. հունիսի 28-ին Բաղդադի ժամանակով՝ ժամը 10:26-ին, քաղա-քացիական օկուպացիոն ադմինիստրացիայի ղեկավար Պոլ Բրեմերը Ի-րաքի նոր ղեկավարներին հանձնեց «լրիվ սուվերենություն փոխանցելը» պաշտոնապես ամրացնող փաստաթղթերի փաթեթը²⁹:

Արաբողությունը կայացավ Բաղդադի «կանաչ գոտում», ուր գտնվում էր կռալիցիոն ուժերի շտաբը, իսկ մինչև վերջերս այստեղ էր տեղավոր-ված նաև Իրաքի ժամանակավոր կառավարող խորհուրդը: Բրեմերը հրապարակեց կարճ հայտարարություն՝ «Համաձայն ՄԱԿ-ի Անվտան-գության խորհրդի 1546 բանաձևի, ժամանակավոր կռալիցիոն ադմի-նիստրացիան դադարեցնում է իր գործունեությունը հունիսի 28-ին: Դա նշանակում է օկուպացիայի վերջ և ազգային կառավարության կողմից լրիվ սուվերենության ձեռքբերում: Մենք ողջունում ենք Իրաքի քայլերը,

որոնց նպատակն է իր իրավական տեղը գրավել ազատ ժողովուրդների շրջանում»:

«Սա պատմական օր է, երջանիկ օր է, որին սպասում էր մեր ողջ ժողովուրդը, - պատասխան խոսքում ասաց Իրաքի «Ժամանակավոր» նախագահ Գազի ալ Յավարը: - Մենք շնորհակալություն ենք հայտնում դաշնակիցներին: Իմացե՛ք՝ վերադարձ անցյալին մենք թույլ չենք տա»³⁰:

Նույն օրը ժամը 12:30-ին Պոլ Բրեմերը, որը 13 ամիս աշխատել էր այս երկրում «պրոկուրատոր» (գործերի հավատարմատար), Իրաքից հեռացավ ԱՄՆ-ի ռազմա-օդային ուժերի C-130 ինքնաթիռով³¹:

Ուշագրավ է, որ Իրաքում իշխանության փոխանցումը կայացավ նախագահ նշված ժամկետից՝ հունիսի 30-ից երկու օր շուտ՝ հունիսի 28-ին: Պատմական այս իրադարձության շուրջ մամուլում արտահայտված կարծիքներում կարևորվում է ՄԱԿ-ի դերը³²:

KARINE SAMVELYAN

THE ACTIONS OF THE UNITED NATIONS IN IRAQ (MARCH 2003-JUNE 2004) AND THE FORMATION OF THE PUBLIC OPINION

The article deals with the analyses of the achievements of the active role of the United Nations in Iraq in period of March 2003 – June 2004.

It included the examination of Resolutions and Statements of the Security Council of the United Nations: Adjustments, to Iraq-‘oil-for-food’ programme, Establishment of UN Assistance Mission for Iraq, Call for return of power to Iraqi people and etc.

The very important factor in this period is the formation of the public opinion: to help the people of Iraq to form a representative government based on the rule of law.

The United Nations should play a vital role in the reconstruction of Iraq and the restoration and establishment of national and local institutions for representative governance. Lifting of sanctions on Iraq is very important step in the activity of the United Nations.

ԾԱՆՈԹՍԳՐՈՒԹՅՈՒՆՆԵՐ

1. Տես՝ Կարինե Սամվելյան, ՄԱԿ-ի սանկցիաները Իրաքի նկատմամբ, «Մերձավոր և Միջին Արևելքի երկրներ և ժողովուրդներ», XXI, Երևան, 2002, էջ 137-146, Կարինե Սամվելյան, ՄԱԿ-ը և Իրաքի դեմ ԱՄՆ-ի ռազմական գործողությունների հարցը, «Մերձավոր և Միջին Արևելքի երկրներ և ժողովուրդներ», XXII, Երևան, 2003, էջ 119-128:
2. Կարինե Սամվելյան, ՄԱԿ-ի սանկցիաները Իրաքի նկատմամբ, «Մերձավոր և Միջին Արևելքի երկրներ և ժողովուրդներ», XXI, Երևան, 2002, էջ 145:
3. Կարինե Սամվելյան, ՄԱԿ-ը և Իրաքի դեմ ԱՄՆ-ի ռազմական գործողությունների հարցը, «Մերձավոր և Միջին Արևելքի երկրներ և ժողովուրդներ», XXII, Երևան, 2003, էջ 127:

4. Նույն տեղում, էջ 125: Տես՝ Նիկոլայ Հովհաննիսյան, Կարևոր փաստաթուղթ հետպատերազմյան Իրաքի վերակազմավորման և ԱՄՆ-ի քաղաքականության վերաբերյալ, «Ազգ», 29 III, 2003, էջ 4, “Новое время”, 19.IV.2003.
5. Տես՝ Демократизация Ближнего Востока — это маразм, “Независимая газета”, 28.V.2004, с. 10.
6. Նույն տեղում:
7. Տես նույն տեղում:
8. Նույն տեղում:
9. S/RES/1472 Adjustments to Iraq oil-for-food' programme, United Nations, Press Release Security Council, SC/7976, 13 January 2004, Resolutions and Statements of the Security Council, 2003, p. 28.
10. Նույն տեղում:
11. Տես նույն տեղում, էջ 29:
12. Նույն տեղում:
13. Նույն տեղում:
14. Նույն տեղում, էջ 30:
15. Նույն տեղում, էջ 31:
16. Նույն տեղում, S/RES/1476, էջ 35:
17. Տես՝ S/RES/1483, Lifting of sanctions in Iraq. United Nations, Press Release, Security Council, Resolutions and Statements of the Security Council, 2003, p. 46-51.
18. Նույն տեղում, էջ 46:
19. Նույն տեղում, էջ 47:
20. Նույն տեղում, էջ 47-51:
21. Նույն տեղում, էջ 73:
22. S/PRST/2003/13, United Nations, Press Release..., p. 116:
23. S/RES/1511, United Nations, Press Release..., p. 88.
24. Репортаж от Шона Пенна, 4 дня войны в Ираке, “Premiere” N 88, апрель 2004, с. 44.
25. Նույն տեղում, էջ 46:
26. Նույն տեղում, էջ 47:
27. Նույն տեղում, էջ 46:
28. “Известия”, 5 V, 2004, с. 5.
29. Նույն տեղում, 29.06.2004, էջ 1, Георгий Степанов, Пол Бремер передал иракцам “полный суверенитет”.
30. Նույն տեղում:
31. Նույն տեղում:
32. Տես՝ նույն տեղում, էջ 1, 5, Георгий Мирский, Американцы передали власть иракцам на два дня раньше, чем обещали.